

Takornariartitsisarnermik inuussutissarsiuteqarnerup aamma nunami inuussutissarsiutit siuarsarneqarnissaat pillugit Inatsisartut inatsisaat nr. 14, 12. november 2001-imeersoq Atuussimasoq (Historisk)

Kapitali 1.

Siunertaa

§ 1. Inatsisikkut siunertarineqarpoq inuussutissarsiutinik siuarsaalluni aaqqissuussinermik atuinikkut nunatsinni najugallit inuussutissarsiorterisa ineriartortinneqarnerat nukittorsassallugu, taamatuttaaq nunap immikkoortuini inuussutissarsiutinik ineriartortitsineq siuarsassallugu. Taamaaliornissaq siunertaralugu inuussutissarsiutinik pilersitsiortornermut, takornarianut unnuisarfinnik pilersitsiortornermut, annertusaanermut nutarterinermullu, tunisassianik ineriartortitsinermut, kiisalu kinguaariit paarlaattarnerisa isumannaallisarneqarnerannut aningaasaliissutinik pissarsiniartarnermut killissarititaasunik piunasaqaataasut pitsanngorsarneqarnissaat annertusarneqarnissaallu.

Atuuffia

§ 2. Inatsimmi pineqarput takornariartitsinermik inuussutissarsiummi nunamilu inuussutissarsiutini ingerlatat.

Imm. 2. Inatsit una naapertorlugu tapersiissuteqartoqarsinnaanngilaq siunertanut Inatsisartut aalisarnermut, piniarnermut aamma nunalerinermut tapersiisarneq pillugu peqqussutaanni pineqartunut.

Ingerlatat

§ 3. Inatsisip siunertaa eqqortinniarlugu aningaasanut ukiumoortunik inatsisini aningaasaliissutit iluanni ingerlatsisoqarsinnaavoq ilaatigut makkununga tunngasunik:

- 1) suliffeqarfimmik aallartitsinermut atatillugu aningaasanik pissarsinissaq,
- 2) kinguariit nikinneranni aningaasatigut ajornartorneernut atatillugu immikkut ittumik aningaa sanik pisariaqartitsinerup aaqqiivigineqarnissaani peqataaneq,
- 3) takornarianut unnuisarfinnut atatillugu sanaassanut aningaasanik pissarsisarnissaq aamma
- 4) tunisassianik ineriartortitsinermut aningaasanik pissarsisarnissaq.

Taaguutinut nassuiaatit

§ 4. Unnuisarfiit inatsimmi pineqartut paasineqassapput tassaasut illuliat takornarianit nunatsinniikkallartunit akiliilluni atorineqarsinnaasut. Unnuisarfinnut ilaatinneqarput ini unnuiffissatut

naatsorsuussaq kiisalu atortorissaarutit unnuinissamut toqqaannartumik tunngassuteqartut, imaluunniit sanaamut pineqartumut atassuteqartumik pisariaqartinneqartut.

Kapitali 2.

Qularnaveeqqusiineq

§ 5. Naalackersuisut inatsimmut killiliussat iluanni qularnaveeqqusiisinnaapput ingerlatanut makkununga taarsigassarsinissamut atatillugu:

- 1) Suliffeqarfimmik pilersitsinissaq,
- 2) Kinguaariit nikinneranni aningaasatigut ajornartoortut ingerlaqqissinnaanissaannut, tak. § 6,
- 3) Tunisassianik ineriartortitsinermut,
- 4) Unnuisarfinnik pilersitsinernut, allilerinernut aamma iluarsaassinernut, tak. § 7.

§ 6. Kinguaariit nikinneranni aningaasatigut ajornartoornermut atatillugu qularnaveeqqusiinissamut piunasaqaataavoq,

- 1) pissutsinik avataaneersunik pissuteqartumik aningaasaliiffigineqarnissamik tassanngaannartu mik pisariaqartitsilerneq,
- 2) suliffeqarfik aningaasaliiffigineqarnissamik tassanngaannartumik pisariaqartitsilerneq nalaanili kinguaariit nikinnissaannik sulissutiginnilereersimassasoq,
- 3) kinguaariit nikinnissaat aqqissuussamik pilersaarusiorneqareersimassasoq aamma
- 4) suliamik paasisimannittut naliliinerisigut pineqartoq tassaassasoq kinguaariit nikinnerat, aningaasanut tunngasut pillugit imminut akilersinnaasutut naliliiffigineqartoq.

§ 7. Unnuisarfinnut atatillugu sanaartugassatut suliniutinut makkununga taarsigassarsinissanut Naalackersuisut qularnaveeqqusiisinnaapput:

- 1) Illunik maannamut siunertanut allanut atorneqarsimasunik unnuisarfinnik pilersitsinissanut,
- 2) Illut pioreersut unnuisarfittut atorneqartut allilernissaannut,
- 3) Illuni nutaani unnuisarfinnik pilersitsinissanut,
- 4) Unnuisarfiit pioreersut iluarsaannissaannut.

Imm. 2. Uppernarsarneqassaaq sanaartugassatut suliniut teknikikkut isumannaatsuusoq aamma siunissaq ungasinnerusoq isigalugu imminut akilersinnaassasoq, takornariartitsisarnermik inuussutissarsiuteqartup ineriartortinneranut naapertuuttuusoq aammalu nunap immikkoortuini, naatsorsuutigineqartumik pisisussanik tunngavissaqartuni, takornariartitsisarnermik inuussutissarsiuteqarnerup ineriartorneranut siuarsaataasoq.

§ 8. Aningaaserivimmit, sparekassimit realkreditinstituttimit, Nunat Avannarliit Killiit Aningaasaateqarfiannit taakkuluunniit akuleriissillugit taarsigassarsianut qularnaallisaatitut qularnaveeqqusiisoqarsinnaavoq. Qularnaveeqqusiissut taarsigassarsiarineqartut akilersorneqarnissaattut siviussusilerneqassaaq.

Imm. 2. Taarsigassarsiarineqartut annerpaamik 50%-iinik qularnaveeqqusiisoqarsinnaavoq. Taarsigassarsisitsisoqassaaq niueqatigiinnikkut taarsigassarsisitsisarnermi atugassarititaasut malillugit, taamaattoq akilersuisoqassalluni siviunerpaamik ukiuni qulini.

Imm. 3. Taarsigassarsianut qularnaveeqqusiisoqarsinnaavoq inunnut suliffeqarfinnullu, taarsigassarsisitsinerup nalaani Nunatsinni inuussutissarsiummik pineqartumik ingerlataqarnissamut pisinnaatitaasunut.

Imm. 4. Qularnaveeqqusiinissamut piumasaqaataavoq suliniut aningaasanut tunngassutilinnut paasisimasalinnit imminut akilersinnaasutut naliliiffigineqarsimassasoq.

Imm. 5. Qularnaveeqqusiinermi Nunatta karsiata akiliisussatut pisussaaffigissavai taarsigassarsiarineqaaqqaartunit qanoq ilinikkulluunniit akiitsut sinnerisa ilai, aningaasanik taarsigassarsiarineqaaqqaartunit qularnaveeqqusiissutaasunut naleqqiullugit taamaaqataat.

§ 9. Qularnaveeqqusiisoqarnikkut taarsigassarsiarineqartut akilersornissaannik pisussaaffimmik sumiginnaanermi taarsigassarssianik aningaasalersuisup noqqaassuteqarneratigut qularnaveeqqusiineq piviusunngortinneqassaaq.

Imm. 2. Akilersuinissamik pisussaaffimmik sumiginnaanermi akiitsullip akiitsuisa sinnerinut qularnaveeqqusiissutit taamaaqataat Naalakkersuisut akiitsulimmut piumasaqaatigissavaat.

Kapitali 3.

Takornariartitsinermik inuussutissarsiuteqarnermi unnuisarfinnut immikkut tunngassutillit

§ 10. Naalakkersuisut aningaasaateqarfimmik pilersitsereerput siunertaqartumik takornarianut unnuisarfinnik pilersitsinermut atatillugu ernialinnik taarsigassarsisitsinissarfimmik imaluunniit akuleriissillugit erniaqarnatillu taarsersuutitaqanngitsunik aamma ernialinnik taarsersuutitalinnillu taarsigassarsititsisartussamik, tak. § 3, nr. 3. Aningaasaateqarfiup aqqa aningaasaateqarfimmullu ileqqoreqqusat Naalakkersuisunit aalajangerneqassapput, taamaattoq tak. imm. 4 aamma § 11. Aningaasaateqarfiup siunertaa Naalakkersuisut akuersinerisigut allanngortinneqarsinnaavoq aningaasaateqarfimmit qularnaveeqqusiinermut atatillugu suliassat suliarineqarnissaanut atortussanik suliaqarsinnaanissaq kiisalu inuussutissarsiutip iluani periarfissanik misissuinernik suliniutinillu nutaanik aallartitsisarnissaq siunertaralugu. Aningaasaateqarfiup ileqqoreqqusat allanngortinneqarneri Naalakkersuisunit akuersissutigineqartassapput.

Imm. 2. Aningaasaateqarfik pilersinneqarpoq aningaasaateqarluni 15 mio. kr.-inik, taakku tunniunneqarlutik aningaasanngorlugit ataatsikkut akiliinikkut. Aningaasaateqarfimmut aammaarluni aningaasaleeqqittoqarsinnaavoq.

Imm. 3. Aningaasaateqarfik Naalakkersuisunit nakkutigisaavoq, taakkualu nakkutigissavaat aningaasaateqarfiup sulinera Inatsisartut inatsisaanni aalajangersakkat naapertorlugit ingerlanneqartoq. Paasisutissat uppernarsaatissallu nakkutilliinerminnut pisariaqartinneqartut tunniunneqarnissaat aningaasaateqarfimmut Naalakkersuisut piumasarisinnaavaat.

Imm. 4. Aningaasaateqarfiup ukiumoortumik naatsorsuutaata malippaat qaammatisiutit ukiuat. Ukiumoortumik naatsorsuutit kukkunersiorneqartassapput kukkunersiuisumit naalagaaffimmit akuerisaasumit Naalakkersuisunillu toqqagaasumit.

Imm. 5. Aningaasaateqarfiup siunertat imm. 1-imi taaneqartut saniatigut aningaasaatini atorsinnaavai aningaasaateqarfiup sulinerani pisarialimmik aningaasartuutinut matussutissanut.

Imm. 6. Aningaasaateqarfik taamaallaat taarsigassarsisitsinnaavoq qinnuteqartup aamma sanaartugassap piumasaqaatit § 7-imi, takuuk § 4, aamma § 8, imm. 3-4-imi aalajangersarneqarsimasut

kiisalu maleruqqusani inatsit tunngavigalugu pilersinneqartuni piumasaqaataasinnaasut eqqortippatigik. Taarsigassarsiat tamatuma kingorna kapitalimi matumani piumasaasut malillugit isumagineqassapput.

Imm. 7. Aningaasaateqarfiup siulersuisui allatseqarfimmik pilersitsissapput, suliffeqarfimmullu naapertuuttumut tamanna pillugu isumaqatigiissuteqarsinnaallutik.

Imm. 8. Aningaasalersuisarfimmi atorfilik aningaasaateqarfiup allatseqarfiani suliassanik inatsit naapertorlugu isumaginittuq peqataassanngilaq aningaasalersuisarfiup inatsit una naapertorlugu qinnuteqaatinik sunilluunniit suliarinninnerani.

Imm. 9. Aningaasaateqarfik atorunnaarsinneqassappat tamanna pissaq Inatsisartut inatsisaatigut. Aningaasaateqarfiup aningaasaatai aningaasaateqarfiup atorunnaarsinneqarnerani Nunatta karsiata pigilissavai, taamatullu Namminersornerullutik Oqartussat aningaasaateqarfiup pisinnaatitaaffii pisussaaffiilu tigussallugit.

§ 11. Aningaasaateqarfik aqunneqassaaq siulersuisunit tallimanik ilaasortaqtumit taakkunungalu sinniisussanit. Siulittaasoq siulersuisunullu ilaasortat allat toqqarneqassapput Naalackersuisunit ukiut marlukkuutaarlugit, aningaasaateqarfiup pilersinneqarneraniit aallartittumik. Siulersuisunut ilaasortaqtataaseq taassumalu sinniisussaa Greenland Tourism A/S, Takornariaqarneq pillugu Siunnersuisoqatigiinnit toqqarneqassaaq kiisalu siulersuisunut ilaasortaqtataaseq taassumalu sinniisussaa nunatsinni aningaaseriviit peqatigiillutik toqqassallugu. Sulisitsisut Peqatigiiffiata aamma Nunatsinni Niuernermi, Sullissinermi, Assartuinermi Suliffissuaqarnermilu Kattuffiup siulersuisunut ilaasortaqtataaseq taassumalu sinniisussaa peqatigiillutik toqqassavaat. Aningaasaateqarfimmi siulersuisunut ilaasortaaneq qinikkatut pisortanilluunniit toqqakkatut suliassaqartitaanerunngilaq.

§ 12. Aningaasaateqarfimmiit taarsigassarsisitsisoqarsinnaavoq taarsigassarsiat erniaqarnatillu taarsersuutitaqanngitsut aamma taarsigassarsiat erniallit akuleriissillugit. Aningaasaateqarfiup siulersuisuisa, taarsigassarsiaritit annertussusissaat taarsigassarsisumullu atugassarititaasut assigiinngitsut aalajangerlugit, tassungalu ilanngullugit taarsersuutinik ernianillu akiliisitsiniartarneq akiliisitsisarnerlu aalajangissavaat, taamaattoq takuuk § 13.

Imm. 2. Aningaasaateqarfimmit taamaallaat taarsigassarsisitsisoqarsinnaavoq suliniutinut § 7, imm. 1-imi taaneqartunut, taamatullu § 7, imm. 2-mi piumasaqaatit eqqortinneqassallutik.

§ 13. Aningaasaateqarfimmit inatsit una naapertorlugu taarsigassarsisitsilluni aningaasaliisoqarsinnaavoq ingerlatanut § 7, imm. 1-imi taaneqartunut aningaasaliinerit tamarmiusut annerpaamik 40%-iinik. Procentip annertussusissaanut aalajangiisuussapput suliniutip tamarmiusup qanoq imminut akilersinnaatigissusia aamma suliniutip allatut iliorluni aningaasaliiffigineqarsinnaaneranut periarfissat. Taarsigassarsisitsilluni aningaasaliinissap taaneqartup minnerpaamik 50%-ii tunniunneqassapput taarsigassarsiatut ernialikkatut. Qularnaveeqqusiineq aamma salliutitsinissamik piumasaqaat taarsigassarsiat, erniaqaratillu taarsersuutitaqanngitsut, taarsigassarsiat erniallit aamma taarsigassarsiat aningaasaateqarfimmiit qularnaveeqqusiineq tunuliaqutaralugu pilersinneqartut akuleriissinnerini tamani imm. 2-4-mi piumasaqaatit eqqortinneqassapput.

Imm. 2. Taarsigassarsiat taarsersornissaannut piffissaliussap taarsigassarsiat allat taarsersornissaannut piffissaliussat assigissavai, taamaattoq sivilisunerpaamik ukiut 20-ussalluni. Assigiinngitsunik arlalinnik

taarsigassarsisoqarpat taarsersornissaannut piffissaliussap sivilunerpaaffissaa atuutissaaq inatsit una naapertorlugu taarsigassarsiarititanut, taamaattoq piffissaq taarsersuiffissaq sivilunerpaamik ukiut 20-ussalluni. Taarsigassarsiat erniallit naafferartumik taarsersorneqassapput taarsigassarsiat atsiorneqarnerminni angissusiat tunngavigalugu ukiut tamaasa taamaaqatigiiaamik, taarsigassarsiallu erniaqaratillu taarsersuutitaqanngitsut taarsigassarsiat atorneqarnerminni angissusiat tunngavigalugu ukiut tamaasa taamaaqatigiiaamik appartinneqartassapput. Allanik taarsigassarsisoqarsimanngippat, taava taarsigassarsiat taarsersorneqassapput ukiuni qulini aamma taarsigassarsiat erniaqaratillu taarsersugassaannngitsut appartinneqartassapput taarsigassarsiat atsiorneqarnerminni angissusiisa 10%-iannik taarsigassarsiat ulloq tunniunneqarfianniit naatsorsukkamik qaammatit 12-it qaangiunneri tamaasa.

Imm. 3. Taarsigassarsiat erniallit erniaasa malissavaat naalagaaffiup aningaaseriviata erniarititaa sukkulluunniit atuuttoq, tassunga ilanngullugit ilassutaajunnartut aningaasaateqarfiup siulersuisuisa aalajangigaat, taamaattoq annerpaamik 2%-pointimik.

Imm. 4. Aningaasaateqarfiup taarsigassarsiarititai qulakkeernejassapput unnuisarfiup taarsigassarsitsissutigineqartup qularnaveeqqusiunneratigut. Qularnaveeqqut sapinngisamik pitsaanerpaamik salliutinneqassaaq, taamaattoq allamiit aningaasalersuineq ataqqineqassalluni aningaasaliissutit tamarmiusut imm. 1-imi taaneqartut qummut 40%-ii tikillugit. Qularnaveeqqusiussaq taarsigassarsititsisumit sallinnguukkiartuaartussatut qularnaveeqqusiiffigineqassanngilaq.

§ 14. Unnuisarfik piffissap taarsigassarsiat taarsersorneranni siunertamut taarsigassarsitsinermi naatsorsuutigineqartumut atorneqanngippat imaluunniit taarsigassarsitsinermi piumasaqaatit sumiginnarneqarpata taarsigassarsiat appartinneqanngitsut ingerlaannartumik akilerneqartussanngussapput.

Imm. 2. Unnuisarfik aningaasaliiffigineqarnikoq nutaamik piginnittortaarpat taarsigassarsiat appartinneqanngitsut ingerlaannartumik aamma akilerneqartussanngussapput. Piginnittortaap aamma unnuisarfiup Inatsisartut inatsisaanni matumani piumasaqaatit, nutaamik piginnittortaareernermi eqqortippatigik, taava aningaasaateqarfiup akuersaarsinnaavaa piginnittortaap piginnittuunikup aningaasaateqarfimmut pisussaaffiunik tigusinissaa.

§ 15. Taarsigassarsisut, tassaagunik inuit imaluunniit suliffeqarfiit, Kalaallit Nunaanni tamakkiisumik akileraaruserneqartussaataassapput piffissami taarsigassarsiat tunniunneqarfianni.

Kapitali 4.

Tunisassianik ineriartortitsinermit tapiissutit

§ 16. Naalakkersuisut tunisassianik aamma sullissinermit ineriartortitsinermit tapiissuteqarsinnaapput.

Imm. 2. Tamatumani piumasaqaataavoq tunisassianik suliarinninnerup imaluunniit sullissinerup ingerlanneqarnerata Kalaallit Nunaanni ingerlanneqarnissaa.

Imm. 3. Tapiiffigineqartut tassaagunik inuit imaluunniit ingerlatseqatigiiffiit taakku Kalaallit Nunaanni tamakkiisumik akileraartussaataassapput piffissami tapiissutit tunniunneqarfianni.

§ 17. Tapiissuteqartoqarsinnaavoq ukioq ataasiakkaarlugu. Tapiiffigineqareersimagaanni tamanna

akornutaassanngilaq nutaamik tapiiffigineqarnissamik qinnuteqarsinnaanermut.

Imm. 2. Tapiissuteqartoqartassaaq qinnuteqartoqarneratigut, suliniutit tamaasa immikkut naliliiffiginerisigut.

Imm. 3. Tapiissuteqartarnejq unitsinneqarsinnaavoq

1) suliniut piviusunnngortinneqarsinnaajunnaartutut naliliiffigineqarpat,

2) tapiiffigineqartoq eqqunngitsunik paasinerluutaasinnaasunilluunniit paasissutissiisimappat, imaluunniit

3) tapiiffigineqartoq paasissutissanik tapiiffigineqarnissamut pingaarutilinnik nipangiussisi mappat.

Kapitali 5.

Allaffissornikkut ingerlatsineq nakkutilliinerlu

§ 18. Tapiissuteqarnissaq, qularnaveeqqusiinissaq aamma taarsigassarsisitsinissaq pillugit erseqqinnerusumik piumasaqaatissat Naalakkersuisut aalajangersaavigisinnaavaat.

Imm. 2. Naalakkersuisut pisortanut oqartussaasunut allanut imaluunniit allaffissornikkut ingerlatsinermik ingerlatseqatigiiffinnut isumaqatigiissuteqarsinnaapput suliap inatsit naapertorlugu suliassanik piareersaanermi isumaginnittuunissaanik.

Imm. 3. Naalakkersuisut - imaluunniit Naalakkersuisunit piginnaatinneqartut - inunnut suliffeqarfinnullu, inatsit una naapertorlugu aningaasanik pissarsisunit, piumasaqaatigisinnaavaat paasissutissanik naatsorsuutinillu tamanik allaffissornermut il.il. pisariaqartinneqartutut isigineqartunik tunineqarnissaq.

Imm. 4. Naalakkersuisut inatsisip aqunneqarnera nakkutigissavaat.

Kapitali 6.

Suliassanik naammagittaalliuutinillu suliaqarnissamut maleruaqqusat

§ 19. Inatsisartut pisortat ingerlatsineranni suliassat suliarineqartarnerat pillugu inatsisaat aamma atuuppoq allaffissornikkut ingerlatsinermik ingerlatseqatigiiffimmut suliassanik piareersaanissaq pillugu Naalakkersuisut taamaattumut isumaqatigiissuteqarpata, tak. § 18, imm. 2.

§ 20. Aningaasaateqarfimmit kapitali 3-mi pineqartumit taarsigassarsisitsinermut atatillugu aalajangiinerit, ullormit aalajangiinerup qinnuteqartumut nalunaarutigineqarfianiit sapaatip akunneri sisamat qaangiutsinnagit naammagittaalliuutigineqarsinnaapput aningaasaateqarfiup siulersuisuinut, taassumalu aalajangiinera inaarutaasumik aalajangiineruvoq.

Imm. 2. Inatsit manna naapertorlugu aalajangiinerit allat, ullormit aalajangiinerup qinnuteqartumut nalunaarutigineqarfianiit sapaatip akunneri sisamat qaangiutsinnagit Naalakkersuisunut naammagittaalliuutigineqarsinnaapput.

Kapitali 7.

Pineqaatissiinissamik aalajangersakkat

§ 21. Inatsit manna malillugu eqqunngitsunik paatsoortitsisinnaasunilluunniit paasissutissiisoq imaluunniit paasissutissanik nipangiussisoq akiliisussangortinneqarsinnaavoq. Akiliisitsissutit Nunap Karsianut nakkartinneqassapput.

Imm. 2. Suliffeqarfik naalagaaffimmit, Namminersornerullutik Oqartussanit, kommunimit, kommuninit ataatsimoortuni, aktiaateqarluni ingerlatseqatigiiffimmit, piginneqataassuteqarluni ingerlatseqatigiiffimmit, piginneqatigiiffimmit, assigisaannilluunniit ingerlanneqartoq unioqqutitsisuuppat suliffeqarfik taannaalluni akiliinissamut akisussaatinneqassaaq.

Kapitali 8.

Atuutilerfia aamma ikaarsaariarnermi aalajangersakkat

§ 22. Inatsit atuutilissaaq ulloq 1. januar 2002-imi. Tamatumunnga peqatigitillugu Takornariartitsisarnermik inuussutissarsiuqarnermut aningaasalersuinikkut tapersiisarneq pillugu Inatsisartut inatsisaat nr. 15, 31. oktober 1996-imeersoq kiisalu Nunami inuussutissarsiuqarnermut aningaasalersuinikkut tapersiisarneq pillugu Inatsisartut inatsisaat nr. 20, 30. oktober 1998-imeersoq atorunnaarsinneqarput.

Imm. 2. Imm. 1-imi aalajangersagaq apeqqutaatinnagu nalunaarutit maligassiallu allat Takornariartitsisarnermik inuussutissarsiuqarnermut aningaasalersuinikkut tapersiisarneq pillugu Inatsisartut inatsisaat nr. 15, 31. oktober 1996-imeersoq imaluunniit Nunami inuussutissarsiuqarnermut aningaasalersuinikkut tapersiisarneq pillugu Inatsisartut inatsisaat nr. 20, 30. oktober 1998-imeersoq tunngavigalugit pilersinneqarsimasut atuutiinnassapput atortuujunnaarsinneqarnissamik tungaanut.

Imm. 3. Taarsigassarsinissamik neriorsuutit, qularnaveeqqusiinerit imaluunniit tapersiivigineqarnissamik neriorsuutit takornariartitsisarnermik inuussutissarsiuqarnermut aningaasalersuinikkut tapersiisarneq pillugu Inatsisartut inatsisaat nr. 15, 31. oktober 1996-imeersoq imaluunniit nunami inuussutissarsiuqarnermut aningaasalersuinikkut tapersiisarneq pillugu Inatsisartut inatsisaat nr. 20, 30. oktober 1998-imeersoq tunngavigalugit pilersinneqarsimasut atuutiinnassapput.

Imm. 4. Siusinnerusukkut qularnaveeqqusiissuteqarnikkut taarsigassarsiaritinneqarsimasut imaluunniit qularnaveeqqutit tapersiissutillu akuleriissillugit Takornariartitsisarnermik inuussutissarsiuqarnermi aallarnisaasaasartunut aningaasalersuinikkut tapersiisarneq pillugu Inatsisartut inatsisaat nr. 15, 31. oktober 1996-imeersoq siusinnerusukkut atuuttoq naapertorlugu tunniunneqarsimasut pillugit nuunneqarnissaannik neqerooruteqarnissamut Naalakkersuisut piginnaatinneqarput.

Namminersornerullutik Oqartussat, ulloq 12. november 2001.

Jonathan Motzfeldt

